



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 106. Explicatio doctrinæ per Facultatem Lovaniensem Pontificis Nuntio porrecta.

[urn:nbn:de:hbz:466:1-67246](https://nbn-resolving.org/urn:nbn:de:hbz:466:1-67246)

Sæcul. XVI. quo fuit decretum, ut Episcopi transmissis literis ad servandam Tridentini Concilii disciplinam, atque ad conferendas Cathedralium, & Collegiatarum Ecclesiarum dignitates monerentur: tandem sanciebatur, ut rerum Procuratores Doctoratus gradu insignes, vel in jure Canonico, aut in Theologia Licentiati essent. His peractis Comitia solvebantur.

§. CVI.

Explicatio doctrinæ per Facultatem Lovaniensem Pontificis Nuntio porrecta.

Att. Decanat Wallii Bajana t. 2. pag. 161. Interea Lovanii Lensius Doctor ad Nuntii mandatum doctrinæ explanationem elucubrabat, eamque, prout jussus erat, cujuslibet Facultatis Doctoribus tradebat, ut suam quisque sententiam hac super re ediceret: postquam vero quædam addita, ac alia emendata fuerant, Wallius Decanus illam elaborare, ac Nuntio porrigere studuit: erat autem huic lucubrationi sequens titulus: *Brevis, atque suo ordine, quantum fieri potuit, distincta doctrinæ explicatio, quam quorundam articulorum condemnatio exigere videtur, composita a Veneranda Facultate Theologica Lovaniensi, juxta mentem, & mandatum illustrissimi Joannis Bonhommii Vercellensis Episcopi, atque in*
Sup-

superiori, & inferiori Germania Nuntii Sæcul. XVI. Apostolici. Hi iidem Doctores in qua- A.C. 1586.
dam succincta præfatione hæc expo-
nunt: „Ea, quæ circa sequentes arti-
culos censemus, paucis exponere, con-
sultum fore judicavimus: nullatenus
equidem dubitamus, eos a Sede Apo-
stolica merito fuisse damnatos, no-
strumque iudicium, ac sententiam cum
omni submissione debita ejusdem sa-
cræ Sedis censuræ subijcimus, si quis
tamen magis amplam doctrinæ in his
articulis contentæ explicationem, aut
argumenta magis discussa desideret,
vel in harum opinionum confutatione
majorem severitatem, ac rigorem ex-
optet, is considerare haud gravetur,
quod nostri instituti ratio unice eo ten-
dat, ut ejusdem doctrinæ normam ex-
hiberemus, quæ sacræ Sedis iudicio
consona sit, atque articulis ab eadem
damnatis penitus opposita: hanc vero
præsentem normam eo magis ad hoc
idoneam censuimus, quo magis suc-
cincta, magisque moderata sit. „

Ceterum hic liber solide prorsus ela-
boratus videtur, atque perspicuam, cer-
tamque continet explanationem doctri-
næ propositionibus damnatis adversæ,
quin de earum Authoribus nomen pro-
datur, aut cujusdam acerbitatis, vel
immoderati zeli indicium deprehenda-
tur:

Sæcul. XVI.
A.C. 1587.

tur: dividitur autem in quatuordecim capita, in quibus septuaginta sex propositionibus continentur omnes articuli, quos Pius V. circa doctrinæ capita in suo diplomate censuris notabat: eapropter hæc explicatio summopere Nuntio Apostolico probabatur, eamque ratam habebat, ac non sine magna animi sui lætitia percipiebat, quod Lovaniensis Facultas Theologica sese juramento obstringeret, se juxta hanc normam suorum opinionum libertates restricturam.

§. CVII.

Iniqua Mariæ Scotiæ Reginæ condemnatio ab Elisabetha Regina subscripta.

Thuan. l. 86. Tandem Elisabetha Angliæ Regina sententiam, qua Maria Stuarta Scotiæ Regina morti adjudicabatur, suo etiam chirographo firmabat, eamque ita subscriptam ad Davidsonum secretiorum epistolarum Ministrum transmittabat, dato negotio, ut illam secreto teneret, nullique communicaret, nihilominus tamen, cum nec exequendæ sententiæ dies ibidem esset præfixa, nec Elisabetha certum supplicii tempus decrevisset, Davidsonus sententiæ tabulas cuidam secretioris Senatus Viro tradebat, qui ceteros quoque hac de re certiores fieri voluit: unde congregati una-